

ხელშეკრულება # 20

სახელმწიფო შესყიდვის შესახებ

ქ. თბილისი

24 იანვარი

2018 წელი

ერთი მხრივ, ს.ს. „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“ (შემდგომში „შემსყიდველი“) წარმოდგენილი მისი დირექტორის შოთა გოგიჩაიშვილის სახით და მეორეს მხრივ შპს „მირკო“ (შემდგომში „მიმწოდებელი“) წარმოდგენილი მისი დირექტორის ჯანიკო აბიათარის სახით „სახელმწიფო შესყიდვების შესახებ“ საქართველოს კანონის შესაბამისად ელექტრონული ტენდერის (SPA170016977) საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე

1. ხელშეკრულების საგანი

- 1.1 ხელშეკრულების საგანია: ფარმაცევტული პროდუქტების CPV 33600000 შესყიდვა, წინამდებარე ხელშეკრულების პირობებისა და სატენდერო დოკუმენტაციის (SPA170016977) შესაბამისად რომელიც თავის მხრივ წარმოადგენს ამავე ხელშეკრულების განუყოფელ ნაწილს;
- 1.2 დაფინანსების წყარო: ეკონომიკური საქმიანობიდან მიღებული შემოსავლები;

2. ხელშეკრულების ღირებულება

- 2.1 ხელშეკრულების ჯამური ღირებულებაა: 204`500.00 (ორასოთხი ათას ხუთასი) ლარი;
- 2.2 ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს;

3. ანგარიშსწორების ფორმა და ვადები

- 3.1 მიმწოდებელთან ანგარიშსწორება განხორციელდება ეტაპობრივად, მოწოდებული შესყიდვის ობიექტის შესაბამისად უნაღდო ანგარიშსწორების წესით ეროვნულ ვალუტაში;
- 3.2 მიმწოდებელთან ანგარიშსწორება განხორციელდება შესყიდვის ობიექტის მიწოდების შემდეგ მხარეთა შორის გაფორმებული მიღება-ჩაბარების აქტის საფუძველზე, მიღება-ჩაბარების აქტზე მხარეთა მიერ ხელმოწერიდან არაუგვიანეს 60 (სამოცი) კალენდარული დღის განმავლობაში.
- 3.3 მხარეებს შორის მიღება-ჩაბარების აქტი გაფორმდება ეტაპობრივად, მოწოდებული საქონლის შესაბამისად;

4. შესყიდვის ობიექტის მიღება-ჩაბარების წესი

- 4.1 შესყიდვის ობიექტი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და სასაქონლო ზედნაღების გაფორმების შემდეგ;
- 4.2 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს შოთა გოგიჩაიშვილი – აღმასრულებელი დირექტორი;

5. შესყიდვის ობიექტის მიწოდების ვადა და ადგილი

5.1 წინამდებარე ხელშეკრულებითა და სატენდერო დოკუმენტაციით (SPA170016977) გათვალისწინებული შესყიდვის ობიექტის მიწოდება მოხდება ხელშეკრულების გაფორმებიდან 2018 წლის 31 დეკემბრის ჩათვლით ეტაპობრივად შემსყიდველის მოთხოვნიდან 30 დღეში, შემსყიდველის მისამართზე - ქ. თბილისი ალ. ყაზბეგის გამზ. #16;

6. მხარეთა უფლება-მოვალეობები

6.1 შემსყიდველს უფლება აქვს:

- ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე;

6.2 შემსყიდველი ვალდებულია:

- უზრუნველყოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები;

6.3 მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით;

6.4 მიმწოდებელი ვალდებულია:

- მიაწოდოს შემსყიდველს შესყიდვის ობიექტი ხელშეკრულებით დადგენილ ვადებში;
- დაიცვას ხელშეკრულებით დადგენილი ყველა პირობა;

7. ხელშეკრულებით ნაკისრი ვალდებულებების შესრულების ინსპექტირება

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს მაია კობაიძე (აფთიაქის გამგე);

7.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს;

7.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.01%-ის ოდენობით;

8.2 იმ შემთხვევაში თუ პირგასამტეხლოს ოდენობა გადააჭარბებს ხელშეკრულების ღირებულების 3%, შემსყიდველი ორგანიზაცია იტოვებს უფლებას ცალსახად შეწყვიტოს ხელშეკრულება;

8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით

გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

9.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3 პუნქტით გათვალისწინებული გადაწყვეტილების მიღების განზრახვის შესახებ;

9.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია აუცდენელი, დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის;

11. დავები და მათი გადაჭრის გზები

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 5 მარტის ჩათვლით;

მხარეთა რეკვიზიტები

ს/ს „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკულ ცენტრი“ საიდენტიფიკაციო კოდი: 212153756 მის: ქ.თბილისი, ალ. ყაზბეგის #16. საბანკო რეკვიზიტები: სს თიბისი ბანკი ბანკის კოდი: TBCBGE22 ანგარიშის ნომ: GE29 TB71 4413 6020 1000 01	შპს „მირკო“ საიდენტიფიკაციო კოდი: 204996772 იურიდიული მის: ქ. თბილისი 0171, პეკინის ქ. #15 ტელეფონი: 252 00 72 საბანკო რეკვიზიტები: სს „ვითიბი ბანკი“-ს საბუთალოს ფილიალი ბანკის კოდი: UGEBGE22 ანგარიშის ნომ: GE59 VT700 0000 004 353 602
---	---

აღმასრულებელი დირექტორი.

აბიათარი

შოთა გოგიჩაიშვილი

დირექტორი: ჯანიკო



ხელწერილი ინტერესთა კონფლიქტის არარსებობის შესახებ


ქ. თბილისი

24 იანვარი 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლისა და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-5 მუხლის მე-6 პუნქტის შესაბამისად, ქვემოთ ხელის მომწერი პირი ადასტურებს, რომ ს.ს. „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“-ს მიერ ფარმაცევტული პროდუქტების (CPV 33600000) შესყიდვის მიზნით გამოცხადებულ ელექტრონულ ტენდერიში **SPA170016977** გამარჯვებულთან, შპს „მირკო“ არ აქვს ინტერესთა კონფლიქტი.

ვადასტურებ:

მაია კობაიძე (აფთიაქის გამგე)



24.01.18 №

ხელშეკრულების შესრულების
საგარანტიო უზრუნველყოფა
№BGMP0023/240118

გარანტი: სს „ვითიბი ბანკი ჯორჯია“, ს/კ 202906427
პრინციპალი: შპს „მირკო“, ს/კ 204996772
ბენეფიციარი: სს „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“
საგარანტიო თანხა: 4,090 (ოთხი ათას ოთხმოცდაათი) ლარი

მხედველობაში ვიღებთ რა, რომ ბენეფიციარსა და პრინციპალს შორის კლინიკური იმუნოლოგიის ლაბორატორიის ტესტ-სისტემები თავსებადი აპარატებთან COBAS e 411 და ELECSYS2010 შესყიდვაზე (ელ.ტენდერი №SPA170016977) ფორმდება ხელშეკრულება, რომელიც ითვალისწინებს კონტრაქტის პირობების შესრულების გარანტიის წარმოდგენას, ჩვენ თანახმა ვართ გავცეთ ზემოთ აღნიშნული გარანტია.

ამასთან დაკავშირებით ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე 4,090 (ოთხი ათას ოთხმოცდაათი) ლარი და ვკისრულობთ ზემოაღნიშნული თანხის გადახდას პრინციპალის მიერ ხელშეკრულების პირობების დარღვევის შემთხვევაში თქვენი პირველივე წერილობითი მოთხოვნისთანავე.

მოთხოვნა ანაზღაურებაზე თქვენს მიერ წარმოდგენილი უნდა იქნეს სათანადოდ ხელმოწერილი და ბეჭდით დადასტურებული წერილობითი ფორმით, სადაც მიეთითება მოთხოვნილი თანხა და ის გარემოება, რომლის გამოც მოხდა მოთხოვნის წარმოდგენა. მოთხოვნას თან უნდა ერთვოდეს საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს 2019 წლის 30 იანვრის ჩათვლით. აღნიშნულიდან გამომდინარე ნებისმიერი მოთხოვნა ან პრეტენზია ბანკის მიერ მიღებულ უნდა იყოს საბანკო გარანტიის ვადის გასვლამდე შემდეგ მისამართზე: სს „ვითიბი ბანკი ჯორჯია“, გ.ჭანტურიას ქ.№14, 0108 თბილისი, საქართველო.

წინამდებარე საბანკო გარანტია ავტომატურად მცირდება ჩვენს მიერ აღნიშნულ საბანკო გარანტიაზე გადახდილი თანხების პროპორციულად.

საბანკო გარანტია ავტომატურად უქმდება:

- ბენეფიციარისთვის იმ თანხის გადახდით, რომელზედაც გაიცა გარანტია;
- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით და/ან საბანკო გარანტიის ორიგინალის დაბრუნებით.

საბანკო გარანტიის გარშემო წამოჭრილი დავა გადაწყდება საქართველოს მოქმედი კანონმდებლობის შესაბამისად.

სავაჭრო ფინანსირების განყოფილების უფროსი
ლია ძნელაძე

